

Hof ta absolve Henny Eman grandemente pero, Ministerio Publico ta hunga Politica

PG ta incompetente of partidario!

ORANJESTAD (AAN); Si no tabata trata di un instituto cu mester worde respeta y mester worde considera objetivo e comunicado di prensa emiti pa Ministerio Publico a worde tuma como un pamflet politico.

Sinembargo aki ta trata di un instituto cu tin e poder di libertad di hende, e cos mas grandi cu e ser humano tin.

E instituto aki awor ta converti su mes den un instrumento politico pa e partido na poder. Den un intento pa causa daño politico na e partido di oposicion Ministerio Publico kier a dagvaard ex-premier Henny Eman riba 6 punto. Hof van Justitie a para e intento politico ora nan a conclui cu e no tin ningun base. Tur prensa a haya un copia di sentencia aki cu a muestra bon cla cu no tin base pa Henny Eman presenta dilanti di corte pa gran parti di cosnan cu e Ministerio Publico kier a dagvaard e pe.

Anto toch Ministerio Publico ta saca un comunicado pa bisa cu e cargo mas pisa (sobrepasa begroting), algo cu ta sosode (y ta worde corriji despues formalmente) y ta sosode tur dia awor den nos pais, ainda ta pisa riba e ex-premier.

Un declaracion den cual Ministerio Publico kier sigui cu e strategia politico di dañu number di un ciudadano

prominente. Mientras cu e acusacionnan principal di Ministerio Publico a worde bari for di mesa y e asunto di sobrepasa presupuesto cu a resta mes Hof ta cuminsa na nuanse asunto mustrand cu Ministernan tabata haya consehonan contradictorio: "het Hof heeft daarbij in beschouwing genomen dat op dit punt sprake was van tegenovergestelde adviezen van belangrijke organen van het Land". Claramente un discusion di interpretacion administrativo.

Tambe den evaluacion di e caso pa cu Otmar Oduber e Comunicado di Prensa di Ministerio Publico ta duna comentario cu ta lanta hopi pregunta riba nan imparcialidad.

Mirando e declaracion di prensa aki di Ministerio Publico e pregunta ta surgi si ta trata aki di incompetencia

total of mala fe, esta partidismo politico. Bo no mester ta un hurista pa compronde e sentencia di Hof. Tin momento cu pueblo ta duda den e imparcialidad di Ministerio Publico y mirando e actitud den e caso

aki e preocupacion ta bira aun mas grandi.

Observadornan a muestra cu e PG aki, nombra pa Rudy Croes contra tur consejo y cu un posicion personal vulnerabel pa un PG, ta haciendo di e manera aki e

duda den imparcialidad di Ministerio Publico mas grandi.

Nos Estado di Derecho no por permiti su mes pa Ministerio Publico worde usa como instrumento di persecucion politico.

Ladron a drenta den cas y mara dos criatura

ORANJESTAD (AAN): Recherche na e momentonan aki ta riba un caso na unda dos homber a drenta den cas di un abogado masha conoci, unda dos criatura a worde mara pa asina nan por trata di horta for di caha fuerte.

Tabata recientemente cu e caso a worde reporta na autoridad local. Segun

informe ricibi, un vehiculo a presenta na e cas. Aki dos homber cu intencionnan menos bon a drenta den e residencia.


No tabata tin mas informe adicional relaciona cu e caso aki. Pero e momento ey tabatey na cas solamente dos hoben, kendenan ta yiu di e famia.

Nan a worde poni bao di presion pa nan indica unda e caha fuerte ta, of unda tin placa den cas.

No ta conoci si e ladronnan aki a logra pa yega na locual nan tabata buscando.

Si ta asina cu e caso a worde poni den man di Recherche y nan tin e caso bao di investigacion profundo.

KI SMOESJE TIN E BIAHA AKI!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Hand Mixer

Afl. 29,95